



REPUBLIKA E KOSOVËS/REPUBLIKA KOSOVA  
GJYKATA THEMELORE GJAKOVË - DEGA E GJYKATËS RAHOVEC

---

Numri i lëndës: 2023:098296  
Datë: 26.03.2024  
Numri i dokumentit: 05501717

C.nr.302/2023

GJYKATA THEMELORE GJAKOVË – DEGA NË RAHOVEC, Departamenti i Përgjithshëm, Divizioni Civil, gjyqtari Betim Behluli, në çështjen juridike të paditësit L.H, nga Prizreni, të cilin e përfaqëson përfaqësuesi i tij i autorizuar avokati D.M nga Prizreni, sipas autorizimit në shkresat e lëndës, kundër të paditurës Komuna e Rahovecit – Drejtoria Komunale e Arsimit, të cilën e përfaqëson përfaqësuesi ligjor avokat B.O., sipas autorizimit në shkresat e lëndës, për shkak të kompensimit të shpenzimeve të udhëtimit, vlera e kontestit 682.50 €, jashtë seance, më 26.03.2024, merr këtë:

### A K T G J Y K I M

**APROVOHET** padia dhe kërkesëpadia e paditësit L.H tërësi si e bazuar si dhe:  
**OBLIGOHET** e paditura Komuna e Rahovecit-Drejtoria Komunale e Arsimit, që:

Paditëses **L.H** për periudhën kohore, 21.01.2021 e deri më datë 21.11.2022, t’ia paguajë në emër të Shpenzimeve për udhëtim për 325 ditë punë për vajtje dhe ardhje nga shtëpia në punë dhe anasjelltas sipas çmimit të biletës për dy relacione në shumë prej 3 euro të i paguaj shumën prej 682.50 Euro ( 70% i 3,00 euro= 2,10 euro x 325 ditë pune = 682.50 euro), me kamatë ligjore prej 8% që nga dita e paraqitjes së padisë dt.27.04.2023 e deri në pagesën definitive e brenda afatit prej 7 ditëve pas plotfuqishmërisë së këtij Aktgjykimi, nën kërcënimin e ekzekutimit të dhunshëm me përmbarrim.

**DETYROHET** e paditura që në po të njëjtin afat, paditësit t’i paguaj edhe shpenzimet procedurale në shumë prej 125.00 € me kërcënim të përmbarrimit të dhunshëm.

### A r s y e t i m

Paditësja L.H, nëpërmjet përfaqësuesit të tij të autorizuar me datë 27.04.2023, kësaj gjykate i kanë dorëzuar padinë, kundër të paditurës Komuna e Rahovecit - Drejtoria Komunale e Arsimit, për shkak të kompensimit të shpenzimeve të udhëtimit.

E njëjta sipas padisë ka theksuar se është në marrëdhënie pune në SHFMU “Faik Konica” në fshatin Celinë, komuna Rahovec, dhe në SHFMU “Faik Konica” në fshatin Celinë komuna Rahovec, e që për periudhën e kërkuar paditësit i ka takuar e drejta e kompensimit të udhëtimit sipas Kontratës Kolektive të Arsimit të Kosovës të datës 21.01.2021, por që deri më tani nuk është kompensuar. Periudha e kërkuar sipas padisë është 21.01.2021 e deri me datë 21.11.2022 dhe atë 325 ditë të prezencës në punë.

E paditura Komuna e Rahovecit – Drejtoria Komunale e Arsimit, në përgjigjen e saj në padi të datës 16.08.2023, ka theksuar se e kontestojmë padinë në tërësi për shkak se më

21.11.2022 MASHT-i ka shkëputur Kontratën Kolektive të Arsimit të datës 21.01.2021 të lidhur me SBASHK. Ndërkaq kërkesat që dalin nga kontestet e marrëdhënies së punës fillimisht duhet të parashtrihen tek punëdhënësi. Gjykata mund të shqyrtoj një padi që ka elemente nga kontesti i marrëdhënies së punës vetëm nëse paditësit i kanë shtjerrur të gjitha mjetet në procedurë të rregullt pranë të paditurës si organ administrativ. Në këtë rast paditësit nuk kanë parashtruar kërkesë për kompensim pranë të paditurës. Me rastin e lidhjes së kontratave kolektive në nenin 2 të dy kontratave janë deleguar kompetenca dhe detyrime për të paditurën pa u shoqëruar edhe me buxhet shtesë, këto detyrime nuk janë zbatuar nga niveli qendror i pushtetit. Andaj, e konteston kërkesëpadinë e paditësit pasi që i mungon legjitimiteti real-pasiv për faktin se komunat kanë kompetenca vetanake, të zgjeruara dhe të deleguara në pajtim me ligjin, autoriteti shtetëror që delegon kompetencat, përballon shpenzimet për ushqimin e delegimit. Andaj i ka propozuar gjykatës që kërkesëpadinë e paditësit ta refuzoj tërësisht si të pa bazuar ndaj të paditurës Komuna Rahovecit.

Për të vërtetuar gjendjen faktike në mënyrë të plotë dhe të drejtë, gjykata ka bërë administrimin e këtyre provave: për paditësen L.H ka bërë vërtetimin mbi ditët e prezencës në punë me Nr. 13133/3 i datës 06.04.2023, i lëshuar nga SHFMU “Faik Konica” në fshatin Celinë, komuna Rahovec; kontratën e punës për mësimdhënës me Nr. të protokollit 392/3, e datës 01.09.2015, e lidhur ndërmjet Komunes së Rahovecit – Drejtoria Komunale e Arsimit dhe paditëses L.H; vërtetimin e çmimit të biletës së udhëtimit i datës Mars 2023, i lëshuar nga SH.T; certifikata e vendbanimit e datës 24.03.2023.

Pas analizimit dhe vlerësimit të secilës provë veç e veç dhe të gjitha së bashku, bazuar në dispozitat të neneve 7 dhe 8 të LPK-së, duke i vlerësuar deklaratimet e ndërgjyqësve dhe në bazë të bindjes së vetë të lirë, është konstatuar se kërkesëpadija e paditësve është e bazuar dhe e njëjta është aprovuar.

Gjatë procedurës së provave, kjo gjykatë si provë të veçantë ka proceduar vërtetimin mbi ditët e prezencës në punë me Nr. 13133/3 i datës 06.04.2023, gjykata vërtetoi faktin se paditësja L.H në periudhën kohore prej datës 21.01.2021 e deri më datën 21.11.2022 ka prezantuar në punë në 325 ditët e punës.

Me shikimin në kontratën e punës për mësimdhënës me Nr. të protokollit 392/3, e datës 01.09.2015, të lidhur ndërmjet paditëses L.H dhe të paditurës, gjykata vërtetoi faktin se paditësja ka kontratë pune me të paditurën dhe e njëjta është e sistemuar në vendin dhe me detyrat e punës në SHFMU “Faik Konica” në fshatin Celinë, komuna Rahovec.

Me shikimin e vërtetimit e çmimit të biletës së udhëtimit i datës Mars 2023, gjykata vërtetoi faktin se çmimi i biletës së udhëtimit në relacionin Prizren – Celinë dhe anasjelltas është 3.00 euro në dy drejtime.

Me shikimin e certifikatës së vendbanimit Nr. Ser.B 10446765 e datës 24.03.2023, gjykata vërtetoi faktin se paditësja jeton në Prizren.

Gjykata ka vendosur ta aprovojë kërkesëpadinë e paditësve për faktin se paditëses në periudhën kohore nga data 21.01.2021 e deri më datën 21.11.2022 në vendin e tij të punës ka prezantuar në 325 ditët e punës. Baza juridike e kërkesëpadiës buron në nenin 90 par.5 të Ligjit të Punës, ku parashihet se “Marrëveshja Kolektive vlen për ata punëdhënës dhe punëmarrës të cilët marrin përsipër detyrimet e përcaktuara me Marrëveshjen e tillë Kolektive”.

*Ndërsa sipas nenit 35 par.5 të Kontratës Kolektive të Arsimit në Kosovë e datës 18.04.2017 si dhe Kontratës Kolektive të Arsimit në Kosovë e datës 22.01.2021 parashihet që “Punonjësit arsimor që udhëtojnë në vendbanimet e komunës përkatëse ku punojnë i paguhen shpenzimet e rrugës 70% të biletave të trafikut urban”.*

Gjykata me rastin e vendosjes, jashtë seancës gjyqësore, është bazuar në dispozitën e nenit 398 të LPK-së, e cila dispozitë përcakton se “Kur gjykata, pasi t’i arrijë përgjigja në padi, konstaton se ndërmjet palëve nuk është kontestuese gjendja faktike, dhe se nuk ekzistojnë pengesa të tjera për dhënien e vendimit meritator, atëherë ajo, pa caktuar fare seancë gjyqësore, mund ta jep aktgjykimin me të cilën e pranon si të themeltë kërkesëpadinë”.

Duke vërtetuar në këtë mënyrë gjendjes faktike me prova materiale bindëse, e duke u mbështetur në dispozitat e nenit 35.7 të Kontratës Kolektive e Arsimit të Kosovës, kjo gjykatë, vendosi si në dispozitiv të këtij aktgjykimi.

Vendimin mbi kamatën, gjykata e mori në kuptim të nenit 382, të LMD-së.

Vendimin mbi shpenzimet procedurale, gjykata e mbështeti në harmoni me dispozitat e nenit 452.1 të LPK-së, dhe vendosi që e paditura t’ia kompensoj paditësve shumën prej 125.00 €, e që kanë të bëjnë: për përpilimin e padisë shumën prej 104.00 €, për taksën gjyqësore shumën prej 21,00 €.

**GJYKATA THEMELORE GJAKOVË – DEGA RAHOVEC**  
**C.nr.302/2023, më 26.03.2024**

**B. Profesional**  
**Armond Qmega**

**Gjyqtari**  
**Betim Behluli**

**UDHËZIM JURIDIK:** Kundër këtij aktgjykimi është e lejuar ankesa në afat prej 7 ditëve nga dita e pranimit. Ankesa dërgohet përmes kësaj gjykate, për gjykatën e Apelit në Prishtinë – divizionit civil